



O Laabaalinamo wangima cagili

Bulcina Faso-Niseer 01 BP 1195 Wagadugu

Tel.: (226) 25 37 03 07- Email: opmburkinaniger@gmail.com

Oktobr 2019

OPM Foto fuuli

BI WALI TI, BI SOANI TI

KRISITI TAANGU NANDUNA NNI

Ti ya noanli foto, ti ba le 2019 oktobr nmaalo maalima. Laa maalima tie li nandunli kuli maalima, ke li bua ki waanti ke krisiniba yaaba n ye li nandunli kuli taani ki baa waani U Tienu n puogi ba ya tuonli. Ya niba n cuoni ke tingbangu nni tie o labaalinamo wangikaaba nan-nanli.

Ti ya diidi pugni ti baa le ke tanpolu luodi ke mi Fuonjanma jiidi li nandunli nni leni ki kpaajiega nananli, ki soani paana lele fuonjanma. Laa Fuonjanma n go den jiidi Jesu kani wan den ga mi waalima ya yogunu. Krisinilo kuli ba laa fuonjanma o waalima daali. Laa Fuonjanma n cangi o labaalinamo wangikaaba ki go bogidi bi niba pala ban fidi tuo U Tienu maama.

Ya nilo n se siiga ki lia li liaripienli tie Jesu ke o tandi o nii. O die li bali tanpoli leni ke tinga po ; o soani o njoadikaaba leni yaaba n ga mi waalima kuli nanduna buliñoanaada nni o labaalinamo wangima po.

Ya niba n lindi Jesu,

O nintuali : krisiniba, maseri, catesiste : li tie Afriki nananli.

Yaaba n nua Jienu po : Eveki leni baalo tuosoanlo : li tie Eropi nan-nanli

O ganu po : li tie polinesi niba : li tie oceani yaaba nananli

Yaaba n ku leni Jesu jienu po : Amerik diema yaaba

Yaaba n ku leni Jesu, o ganu po : li tie Asi yaaba.

Laa niba kuli cuoni. Bi kuli ga mi Fuonjanma bi walima daali ke krisiti soani ba li nandunli nni. Nani kpiaama Jesu noadikaaba, bi goadi li nandunli nni ki wangi o Labaalinjamo nani Jesu n den yedi maama: *«Lanwani, gedi mani ki tieni i nibuoli kuli nni bi noadikaaba, ki wali ba Baa, leni Biga leni mi Fuonjanma yeli po, ki bangi ba ban yaa kubi min den yedi yi yaala kuli. N baa yaa ye leni yi yaa yogunu kuli, nali nanduna juodima.» Mt 28, 19-20a*

O Laabaalinjamo wangima njmaalo jaanma 2019 binli po

Ti Ba U Tienu,

a Biga Jesu Krisiti yua n fi bi tinkpiba siiga teni o noadikaaba li ñoabonli, ban «gedi nanduna kuli nni i nibuoli kuli n tua noadikaaba». A tiadi ti ke leni ti walima ti ba soani ku Taangu tuonli.

Leni mi Fuonjanma paabu, nan teni tin tua o Laabaalinjamo siedinba, yaaba n pia li papaali leni u paalu; yeni ku Taangu tuonli n ba mi lebidinjanma ki cuani nanduna kuli po li miali leni mi yenyenma. Todi ti tin fidi ki soani ke bi niba kuli n tuogi leni Jesu Kirisiti buama leni o niñingbadima, wani yua n tie ti Diedo leni ti Tienu, ki kubi li bali leni a leni mi Fuonjanma, moala leni u yogunu kuli. Amina

LI MAYULI:

«Tinba yaaba n ga mi walima, bi soani ti o Laabaaliŋamo wangima po ɲanduna nni»

Mi macilikaama

«Lanwani, gedi mani ki tieni i nibuoli kuli nni bi ɲoadikaaba, ki wali ba Baa, leni Biga leni mi Fuonɲanma yeli po, ki bangi ba ban yaa kubi min den yedi yi yaala kuli....» (Matie 28,19). Jesu bili laa ɲoabonli yua n ga mi walima kuli po. Li tuonli naa tie liiga yaaba po bebe ka, li tie yua n ga walima kuli po. Ama ti ya diidi dinla, ti ba sua niba boncianla naa pia o Laabaaliŋamo wangima yankuali. Lan ya po ke Pap Benoit 15 den bili ke Oktobre ɲmaalo n ya tie o Laabaaliŋamo wangima ɲmaalo. O bili sanbila na lan todi ti laa ɲmaalo tugu nni yema po:

-Li sanbicilikaali tie tin tuogi o candaano Jesu mi jaanma nni, U Tieniu maama cengima nni leni Mesi parli jaanma nni.

-Li sanbilieli tie tin ɲoadi bi niɲanba yema lan todi ti

-Li sanbitaali tie tin ba mi bangima U Tieniu tuonli po ki pugini.

-Li sanbinaali tie tin waani mi buama o laabaaliŋamo tuonli n fidi ki suagi liiga.

Li tie ku Taangu kuli n sedi bonɲanla ki kubi Krisiti yanbuama li tuonli po bi niba kuli n fidi ki ba o Laabaaliŋamo pamanli.

Leni ***ti walima gaama, bi soani ti o Laabaaliŋamo wangima po ɲanduna nni***. Lanwani tin cedi ti jawaandi ki todi ti lieba n bandi Jesu. Tin ɲoadi Krisiti tafuuli, wan yua n den goadi i dogi nni ki wangi o Laabaaliŋamo.

Lani ya po, dunla Burkina leni Niger yaaba gandi ya mayuli n yene: ***«Tinba yaaba n ga mi walima, bi soani ti o Laabaaliŋamo wangima po ɲanduna nni »***. Mi Fuonɲanma n todi ti, tin sedi leni papaali ti dandanli po. Amina !

PAP FRANCOIS LAABAALO O LAABAALIŊAMO AŊADA DAALI

BI WALI TI, BI SOANI TI KRISITI TAANGU ŊANDUNA NNI

N kpiiba,

N mia ku Taangu bila kuli n kuani bi pala bonŋanla dunla o laabaaliŋamo ŋmaalo nni, ki fidi ki tiadi Pap Benoit 15 n den diani ti po ya tili ke li pundi dunla bina kobiga (30 novembre 1919). Laa tili todi nni ke min tiadi yi ke li ŋani ti kuli n sedi bonŋanla o laabaaliŋamo wangima po.

Bi wali ti, bi soani Krisiti Taangu ŋanduna nni: li dandanli tie tin ba ya paabu ti walima kani. Ti danligu leni U Tienu siiga tie ku Taangu kuli bonla; laa tie niyendo yaala bebe ka. Leni ti walima ti ba kpiiba boncianla; li ŋani tin waani bi kuli ti Diedo buama. Lani n tie ti tuonli: ti ba U Tienu ŋanma faala, li ŋani tin boagidi laa ŋanma leni ti lieba faala (*Mt* 10, 8), ki da ŋa oba kuli. U Tienu bua bi niba kuli n faabi ki bandi i moamoani leni U Tienu ŋanma ke li tie leni ku Taangu todima.

Ku Taangu pia o laabaaliŋamo wangima tuonli ŋanduna nni. Leni li dandanli, ti ba noanli ŋanduna leni U Tienu nuni. Leni ti dugidi ti ba ga U Tienu miali yaali n kan gbeni. Mi buama todi ti tin gedi ŋali ki tinga bianu ti lieba kani (*Mi* 5, 3 ; *Mt* 28, 19, *Ac* 1, 8 ; *Rm* 10, 18). Ku Taangu ya bua ki soani laa tuonli, li ŋani wan lebidi o pali leni o yama li tuonli po. Bi niŋanba boncianla soani laa tuonli ke li tie ti kuli po bontogikaala. (*2 Co* 5, 14-21) !

U Tienu tondu tie yuakuli po; li tie mini po, li tie fini po; li tie yua n ga mi walima kuli po. Yua n pia mi buama, wani n ba fi ki cuoni ki gedi o lieba kani; o lieba mo ba cua o kani. U Tienu buama

ye ti kuli po; laa buama soani ti kuli ɲanduna nni. N ba leni n na ya biidi mi buama leni bi faama, bi tugutongu, U Tienu wan kan ɲa o nisaalo miali. (*Ep* 1, 3-6).

Leni mi walima sakrema, ti ga U Tienu miali Jesu Krisiti nni, wan yua n paadi ti tuonbiadi leni mi kuuma. Mi walima ba todi ti tin ba mi faabima kelima leni mi walima ti tua U Tienu bila.

Leni mi walima gaama ti ga U Tienu miali, kelima ti tie o bila. Krisitinilo n ba yaala sakrema tugu nni tie nisaalo kuli n gu yaala o faabima po. Mi walima teni ke ti tie U Tienu bila, ki tuguni yenma leni ti Ba U Tienu. Ya nilo n ki tie ku Taangu biga, U Tienu naa tie o ba, nani Cyprien ɲamo n yedi maama.

Lan ya po, yua n bua ki soani U Tienu tuonli, wan bandi ke li tie tiladi ku Taangu n ya die o, Ba U Tienu mo ba ya die o, kelima Jesu tondu yegi leni mi walima gaama: nani n ba n soani nni maama, mini mo soani yi yeni leni mi Fuonɲama paalu. (*Jn* 20, 19-23 ; *Mt* 28, 16-20). Bi puogi Krisitinilo kuli laa tuonli, o walima daali, wan fidi ki gbadi o yema fuuli ɲanduna nni. Li ɲandunli yema leni ti maasuagu ya tie ti po bonpankaala U Tienu diema gaama po, li ba fidi ki biidi moko tinba leni ti lieba buama. Jesu Krisiti Tienu yaa ye leni ti, mi gagidima ba cuani ti po biidima leni bodima.

U Tienu faabima tie nilo kuli po. Lan ya po, Pap Benoit 15 mia ti tin yie u paalu danba yantiali yaali n ba cuani ti po mi paadima kelima bi lingi ke tinga piama bebe. O tili nni, Pap tiadi ke ku Taangu paalu ɲani U Tienu kani, ama tin moandi oba kuli n da tuo o diema leni o buoli yantiana n kua liiga li tuonli nni. Li ɲani u buolu kuli n luodi o yantiali lan da biidi U Tieni diema gaama. Tin ye ya yognu ne, ku Taangu pia ɲantaadi leni ya niba n ba tuo, leni bi walima paalu, ki ga U Tienu yiinu leni pamanli, ki ɲa ki ɲa bi diedi, bi diema, bi tinga, bi mabuolu leni bi dogu jaandieli ki gedi naani n foagi, ɲanduna nni, ya niba n daa gbadi o laabaaliɲamo

kani, yaaba n daa ga sakremaanba kani, yaaba n daa bandi ku Taangu kani. Bi ya wangi U Tienu maama, bi ya kubi o laabaaliŋamo bi yema nni, mi palebidima baa cua, bi niba ba ga mi walima, ki ba mi faabima. Li fangili kan gbeni ti lieba jaanbuoli po leni bi maasuagu po. Lani n tie yaala n ɲani. Ti ya daani ke Jesu guli mi kuuma, ti ya ga o yiinu ki ba soani o tuonli, ti ya ɲa ti buoli kelima o laabaaliŋamo wangima po, lan wani tin saagi ti gbanu ki gedi u tinbianu U Tienu tuonli po.

Mi Fuoŋanma cuama ba luodi ti Taangu bulñoana wan fidi ki todi bi niba kuli li dandanli sancenli po. Oba kuli n da jigini o yuceli bebe ki sundi o lieba, bi ki jigini o buolu bebe ki sundi o lieba buolu po. Leni Jesu fiima bi tinkpiba siiga li ɲani tin fandi ki pugni tinba leni ti lieba yienu siiga, mi lebidima mo n tieni kelima Jesu ti candaano po.

Li tiadi nni Pap Benoit 16 n den yedi yaala evekinba po Bresil diema nni, 2007 binli: «*Yinba Amerik latine leni Caraibes yaaba, li dandanli tie be yi po? Li tie yin bandi ki tuo Krisiti, yi yajanba n den jaandi ya Tienu ki naa bandi o. Krisiti den tie bi candaano. Leni mi walima sakrema, bi ga U Tienu miali, bi ga mi Fuoŋanma ke mi yendi bi buolu tuona, ki pegidi ba ke bi ɲoadi o laabaaliŋamo sanu. Lan ya po, laa ɲani tin paadi bi buolu leni ku Taangu yanjagili.*»

Ti piani ku Taangu tuonli, ti Na Maliyama. O taani leni o Biga, ki cuoni o laabaaliŋamo wangima po. O tie ku Taangu Na, o kubi ti ke ti tie U Tienu bila mi Fuoŋanma nni leni li dandanli nni.

O Laabaaliŋamo wangima caga todi Pap leni mi jaanma leni mi piama boagima U Tienu tuonli po. Mi piama boagidima ba todi Pap wan fidi ki todi jaandietiam a o laabaaliŋamo wangima po (O laabaaliŋamo wangima cagili), perinba cogu po (Pierre ɲamo cagili), a bonwaala jaancagili kubima po (a bonwaala cagili o

laabaali ŋamo wangima po) leni Kiristiniba todima o laabaaliŋamo wangima po (o laabaaliŋamo cagitaankaali). N miadi laa caga kuli n sedi bonŋanla ya ŋmaalo n yene tugu nni ki todi nni.

Bi puoba leni bi jaba, leni yaaba kuli n todi ku Taangu kelima bi walima po, n puni ba n seli leni n pali kuli.

Vatican, 9 juin 2019, Pentecôte jaanma daali.

FRANÇOIS

ROSEER JAANMA LENI BU MIABU

LI PAMANLI MISTERINBA (Atani leni Asibidi)

1. Malek waani Maliyama ke o ba tua U Tienu Biga na
Bu miabu: mi yantibinma
2. Maliyama gedi ki fuondi Elisabeth
Bu miabu: mi buama ti lieba po
3. Jesu madi
Bu miabu: mi luoma yankuali
4. Jesu danba ta o ki ban puni o U Tienu
Bu miabu: ku Taangu buama
5. Jesu danba la o U Tienu diegu nni
Bu miabu: U Tienu lingima

MI DOAGIDIMA MISTERINBA (*Alamuda*)

1. Jesu ga mi walima
Bu miabu: U Tienu bila yantiali
2. Kana ñiigili
Bu miabu: ki daani Maliyama jaanma paalu
3. Jesu wangi U Tienu diema Laabaali Namo
Bu miabu: U Tienu maama buama
4. Jesu lebidi cain Tabor juali po
Bu miabu: Jesu lama paabu
5. Jesu puni o gbanandi leni o soama
Bu miabu: Jesu gbanandi jignma buama

FALA MISTERINBA (Atalaadi leni Alijima)

1. Jesu la fala Setsemani
Bu miabu: ti tuonbiadi yiema
2. Bi pua Jesu leni i balijo
Bu miabu: fala tuoma ti tuonbiadi sugili po.
3. Bi cibini Jesu i konkoni fogiliga

Bu miabu: li juunli fala yogunu

4. Jesu bugi li dapoanpoanli

Bu miabu: U Tienu tuoma

5. Jesu kpe li dapoanpoanli po

Bu miabu: sugili paabu ti lieba po

PAGIDI MISTERINBA (Laaliba leni Aṇada)

1. Jesu faadima

Bu miabu: li dandanli

2. Jesu doni Ṇalijani

Bu miabu: Ṇalijani buama

3. Mi Fuo-Ṇamma jiidima Pantikok daali

Bu miabu: mi Fuo Ṇamma paabu

4. Maliyama doni Ṇalijani

Bu miabu: mi kuṇamma

5. Maliyama tua Ṇalijani Puobado

Bu miabu: mi buama Maliyama po

Tin ba ɲoadi maama ki fidi ki ba oktobr ɲmaalo ɲuadi

Mi boginma

Li tili boagidi mi jaanma n ba cuoni maama. Semen kuli leni o mayuli, daali kuli pia u cogu. Liiga yaaba ba le ban ba tieni maama ki waani kirisiniba ban bogini sapele ɲmaalo. Li ɲani liiga yaaba n cili ki kali ki bogini laa ɲmaalo po a tuona.

Pap laabaalo

Li ɲani Pap laabaalo n bundi i mabuoli kuli nni bi niba n gbadi o fuuli. Lan baa tieni maama bi niba kuli n gbadi Pap laabaalo fuuli; li baa ɲani ki daali kuli tin cogu mi maama waamu ki go bundi bi niba po.

Sapele leni mesi parli jaanma

Ti ba fidi ki bogini CCBnba leni a jaancaga laa jaanma po

Bu paabu

«*Bi niba ya gbadi bonɲanla, bi ba pa bonɲanla*». (Mgr Marius OUEÐRAOGO)

Bu paabu po, li tie kaanilie

****Daali kuli paabu sapele puoli***

****Aɲada daali ya paabu***

Laa daali li tie tiladi Kirisinilo kuli n teni wan pia yaala U Tienu tuonli todima po. A bila mo baa fidi ki bangi ki yaa tendi ban pia yaala o Labaalunamu wangima po. Yaaba n ki fidi ki cua baa fidi soani bi paabu n cua. Yaaba n ye leni fala baa fidi leni dandanli ki teni U Tieni bi fala, lan bua yedi ki taani bi fala leni o biga Jesu Krisiti fala li dapoonli po.

O LAABAALINAMO WANGIMA JAANMA DAALI NANDUNA KULI NNI

Li tie dacionli o labaalunamo hmaalo tugu nni. Tin pani i labaali ki go todi bi niba ban bandi laa daali fuuli. Li nani ke tin bogini lan daali po ke i yani leni i cogidi kuli n waani ke li tie o labaalunamu wangima jaanma daali.

A goada o labaalunamu wangima po

Perinba, catesistinba bi a caga buoli kuli baa fidi ki gedi poto ke lebidi bi yaba

TIN BA FIDI KI SOANI YA TUONA OKTOBR TUGU NNI

- 1- A goada padiwasinba leni diosesinba tugu nni o laabaalinamo wangima po
- 2- Ki tieni mi bangima pap Benoit XV n diani ya tili po *Maximum Illud*
- 3- Ki todi kirisiniba ban nanbi bi sakremanba
- 4- Mi diema n fidi ki bogini o laabaalinamo wangima tuonli

Tin ba ɲoadi maama sapele jaanma po

1– Mi cilima yanu

Li dapoanpoanli maalima

U Tienu maama cogu leni li daali miabu

2– N daani U Tienu u paali kuli daano

Ti Ba yua n ye Alijani

N fuondi a Maliyama (taalima ta)

Ba leni Biga leni mi Fuonjanma

U yanu

3-Misterinba leni sapele tienma

1^{er} mystère... :

Bu miabu

N fuondi a Maliyama (10)

U yanu

2^e mystère ...

Bu miabu

N fuondi a Maliyama (10)

U yanu

3^e mystère ...

Bu miabu

N fuondi a Maliyama (10)

U yanu

4^e mystère ...

Bu miabu

N fuondi a Maliyama (10)

U yanu

5^e mystère

Bu miabu

N fuondi a Maliyama (10)

U yanu

4– Pap laabaalo cogu waamu

U yanu leni keti tienma

Oktobr ŋmaalo jaanma

Angelus leni ku ñiagu jaanma

1^{er} KI PUNDI 05 OCTOBR 2019
O LAABAALIŊAMO WANGIMA CAGILI (OPF)



PAULINE MARIE JARICOT
(1799-1862)
N cili laa cili

Laa cagili fuuli

Ki todi o laabaaliŋamo wangima leni ti jaanma leni ti pima, ki pa ti lieba U Tienu tuonli yankuali
Ki pa bi niba li yankuali o laabaaliŋamo wangima po ti diedi nni, ccb nba tugu nni, a Cogidiena nni, parwassinba nni leni diosesi tugu nni. Li ɲani a jaandiena n fidi ki todi bi lieba leni bi jaanma leni bi pima, leni bi tuonsoanba moko.

Atalaadi 1^{er} octobre 2019 : O laabaaliŋamo wangima cagili po

U Tienu Maama: JTT 1, 8

« ...yi baa baa u paalu, U Tienu Fuoŋanma yaa jiidi yi po yaa yogunu. Lani, yi baa yaa tie n siedinba Jerusalem dogu nni, Jude leni Samari diema nni kuli, ɲali ki pundi ɲanduna bianu.»

Bu miabu:

Tin jaani mani yaaba n tuuni o Laabaalinamo wangima cagili nni: leni bi tuona, yaaba n ga mi walima n fidi ki gbadi bi tuonli fuuli nanduna nni.

Laliba 02 octobre 2019 : 2019-2020 binli po

U Tienu Maama : Matie 28,20

«Yin bangi ba ban yaa kubi min den yedi yi yaala kuli. N baa yaa ye leni yi yaa yogunu kuli, nali nanduna juodima.»

Bu miabu:

Tin jaani mani U Tienu tuonsoanba kuli po: Krisiti n teni bi tuona n ba ti nuadi.

Alamuda 03 octobre 2019 Yaaba n tieni li taanli U Tienu ni-ningbadima po

U Tienu Maama : Matie 9, 13

«Gedi mani ki ban bandi yaa maama n tie ne bundima: <Mi ninningbadima n mani n po, laa tie a pada ka.> Mii cua ki baa yini yaaba n tiegi ka, ama ti tuonbiadi danba»

Bu miabu:

Tin jaani mani yaaba n tieni mi ni-ningbadima taanli po, ban baa ya tundi n ba todi bi niba kuli, ban ga Krisiti yantiali.

Alijima 04 octobre 2019 : Diosesinba leni padiwasinba po

U Tienu Maama : Jan 15,16

«Laa tie ke yinba ka den gandi nni. Ama mini n den gandi yi, ki go gagidi yi, ke yin gedi ki yaa luoni li bonluonkaala, ke yi bonluonkaala mo n yaa ye. Lanwani, Baa baa pa yi yin mia o yaala kuli, kelima n yeli po»

Bu miabu :

Tin jaani mani ti diosesinba leni ti padiwasinba po, ban tua naani kani ke U Tienu Maama sieda ba ya tiendi daali kuli.

Asibidi 05 octobre 2019 : ti CCB nba po

U Tienu Maama : JTT 2,46-47

«Daali kuli, bi den lindi ki taagi U Tienu diegu nni leni yanyenma, ki caa biyaba deni ki taagi ki di, ki boagidi bi jiema leni biyaba leni li pamanli leni li padingili. Bi den pagi U Tienu, ki baadi li seli bi niba kuli nintuali. Daali kuli o Diedo go den faabidi nitoaba ki pugidi Krisiti Nitaanli.»

Bu miabu :

Tin jaani mani ti CCB nba po, ban fidi ki ya pia o Laabaalinamo pamanli

06 KI OCTOBRE 12 OCTOBRE 2019

**A BONWAALA CAGILI O LAABAALI NAMO WANGIMA PO
(OEM)**



**MGR CHARLES DE FORBIN –JANSON
(1785-1844)
N cili laa cagili**

Laa cagili fuuli

Laa cagili ba diidi a bila yema.

- Ki toti a bila U Tienu tuonli po
- Ki toti a bila n ba bi lieba todima yantiali.
- Ki toti ba ban ba U Tienu tuonli yankuali.

Ajada 06 octobre 2019 : A bonwaala cagili po

U Tienu Maama : JTT 20,24

*«Mii nua ke n miali tie n po bonla: n bua ki soani ki juodi o Diedo
n puogi nni ya tuonli: ki tiendi siedi U Tienu laabaalo po.»*

Bu miabu:

Tin jaani mani a bonwaala cagili po: ban fidi ki toti bi lieba
nanduna nni ban ga U Tienu maama.

Lundi 07 octobre 2019 : A bonwaala n fidi ki ba mi walima paabu yankuali

U Tienu Maama : 1 Tm 1,18-19a

«N biga Timote, n teni a yaa ñoamabonli n tie ne, nani ban den kpa pua a po yaa saawali ki yedi maama: Nyan yaa koani li dandanli koanŋanli. Nyan yaa kubi li dandanli leni yaa pali siedi n ŋani.»

Bu miabu :

Tin jaani mani a bonwaala po, ban gbadi bi walima fuuli ki tua siedinba.

Atalaadi 08 octobre 2019 : A bila n tuo ki soani a caga nni

U Tienu Maama : Luk 10,1

«Li yaa puoli, o Diedo go den gandi ŋoadikaaba piilele n bilie ki soani ba nibilie lie ke bi kua o liiga, ki gedi wani o ba n den baa gedi yaa dogi leni yaa kaani kuli.»

Bu miabu:

Tin jaani a bonwaala po, ban kuani bi yula a jaancaga nni, ki tua siedinba bi lieba kani.

Laliba 09 octobre 2019 : A bila n fidi ki ba ti wubidi mi jaanma nni

U Tienu Maama : Ep 6, 4

«Yinba bi bidanba mo, yin da mabini yi bila ŋali ki fiini bi pala. Ama yin yaa wubi ba, ki tundi ba, ki bangi ba nani o Diedo n bua maama.»

Bu miabu:

Tin jaani mani bi bidanba po, ban wubi bi bila mi jaanma nni bi dayela nni.

Alamuda 10 octobre 2019 : Ya bonwaala n laadi fala bi dandanli po

U Tienu Maama : 2Tm 1,8

«Nan da jie i fe nan tiendi yaa siedi ti Diedo po leni mini o kpaadili (yua ye priso) po moko. Nan taani leni nni o Laabaalinamo fala nni, kelima U Tienu paalu po.»

Bu miabu :

Tin jaani mani ya bonwaala n laadi fala bi dandanli po, ban fidi ki sedi bonnanla mi jaanma nni

Alijima 11 octobre 2019 : A bonwaala caga n fidi ki taani ki soani yenma

U Tienu Maama : 1 Ko 1,10

«N kpiiba, n mia yi ki go tundi yi, kelima ti Diedo Jesu Krisiti yeli po, ke yikuli n yaa mani leni yiyaba, ke paadimiba kuli n da ye yi siiga. Lani n tie yin yaa taa yenma yi yantiana leni yi jaga kuli nni »

Bu miabu :

jaani a bonwaala jaancaga kuli po, ban fidi ki taani bi tuonli yenma a bonwaala kuli yema todima po.

Asibidi 12 octobre 2019 : Yaaba n tuuni a bonwaala cagili nni po

U Tienu Maama: Tt 2, 6-7

«Nan go yaa tundi bi jawaaba mo ke ban yaa pia mi yama li bonla kuli nni. Nan tua bi po li bontogidikaala a tuonɲama nni. Nan yaa bangi yaa bangima n ɲani, ki go dagidi»

Bu miabu :

Tin jaani mani yaaba n tuuni a bonwaala cagali nni po, ban ba u paalu ki tua bontogidikaaba bi lieba po.

13 KI PUNDI 19 OCTOBRE 2019
PIERRE NAMO CAGILI PO (OSPA)



MADAME JEANNE BIGARD
(1859-1934)
N cili laa cagili

Laa cagili fuuli

Ki todi leni ti jaanma, leni ti piama perinba bangima po, bi cogu po.
Ki todi yaaba n bua ki tua perinba ban cogi ki juodi.

**Aɗada 13 octobre 2019 : Yaaba n ga mi walima n ɗoadi yaaba puni
bi miana bi dandanli po tafuuna**

U Tienu Maama : JTT 4, 19-20

*«Pieri leni Jan den guani ki yedi ba: «Biigi mani ki le li yaa tiegi U
Tienu po, ke tin tuo yi yaa maama ki cedi wani U Tienu yaama. Ti
kan fidi ki cedi ki kan maadi tin laa ki go gbadi yaala.»*

Bu miabu :

Tin jaani mani yaaba n ga mi walima po, martirinba siedo n todi ba
ban fidi kubi bi dandanli ban ye naani.

Lundi 14 octobre 2019 : Kirisiniba dayela n fidi ki tieni siedi

U Tienu Maama : Matie 5, 13

«Yinba n tie mi yaama nanduna po. Mi yaama yaa ti luo mi manu, bi baa taa be ki go mangi ma? Maa go pia fuomiba, se ban lu ma niinpo bi niba n nmaa ma»

Bu miabu : Tin jaani mani Kirisiniba dayela kuli po, ban fidi ki ya tie li dandanli wangima kaanu

Atalaadi 15 octobre 2019 : CCB nba n fidi ki sedi bonnanla

U Tienu Maama : JTT 2, 44.46

«Yaaba n den daani Jesu kuli den ye kaanyendu, ki taani bi bonpiakaala ke li tie bikuli yaala. Daali kuli, bi den lindi ki taagi U Tienu diegu nni leni yanyenma, ki caa biyaba deni ki taagi ki di, ki boagidi bi jiema leni biyaba leni li pamanli leni li padingili»

Bu miabu : Tin jaani mani CCB nba po, ban fidi ki kubi bi dandanli bi niba kuli siiga

Laliba 16 octobre 2019 : Ya nipanba n bua ki soani U Tienu tuonli po

U Tienu Maama : Ps 118, 9

«N ba tieni lede, mini o nipaano, ki noadi a soanu? Li tie leni a maama kubima»

Bu miabu :

Tin jaani mani bi nipanba po, yaaba n bua ki soani U Tienu tuonli: o maama n yendi bi pala ban lingi o bonnanla

Alamuda 17 octobre : Yaaba n bua ki soani U Tienu tuonli n tuo ki goadi o tuonli po.

U Tienu Maama : Ep 4, 1b

« N miadi yi, tin kubi yi yula nani U Tienu n yini yi maama »

Bu miabu :

Tin jaani mani yaaba n ye u sanu nni ki bua ki tua perinba, serinba, frerinba leni katesistina po, ban ba li yankuali ki ya goadi U Tienu tuonli po.

Alijima 18 octobre : U Tienu tuonsoanba n ya tiendi bi yema siedi

U Tienu Maama : Jn 13, 34-35

« N bili yi po yaa mabilikapanma n tie ne:

Yin yaa bua mani yiyaba. Nani min bua yi maama, yimoko n bua yiyaba yeni. Yi yaa bua yiyaba, lani n baa teni bi niba kuli n bandi ke yi tie n ηoadikaaba. »

Bu miabu :

Tin jaani mani U Tienu tuonsoanba po, bi yema n tegini leni o Laabaalinamo yenyenma

Asibidi 19 octobre 2019 : Yaaba n todi ya nipanba n gbadi U Tienu n yiinu n sedi bonŋanla

U Tienu Maama : 1 S 3, 8d-9a

« Elie bandi ke o Diedo n yi ki biga; lani o yedi o: « Gedi ki ban duani; o ya yini a, ηan yedi: Maadi; o Diedo, a naacemo cengi »

Bu miabu :

Tin jaani mani yaaba n todi ya nipanba n gbadi U Tienu yiinu po, leni bi todima bi nipanba n tuo U Tienu tuonli.

20 KI PUNDI 31 OCTOBRE 2019
O LAABAALINAMO CAGITAANKAALI (UPM)



BIENHEUREUX PAOLO MANNA
(1876-1952) N cili laa cagili

Laa cagili fuuli

Ki todi perinba bi tuonli po, ban ba mi banma ki dagidi

Aɗada 20 octobre 2019 : Perinba, frerinba leni serinba yaaba n tie nipanba po

U Tienu Maama : 1 Tm 4, 12.14

«Nan da tuo niloba kuli n fali a kelima a tie nipaano. Ama nan tua li bontogidikaala bi nidugikaaba po a maama nni, a tagu nni, a buama nni, a dandanli nni leni a tugupiengu kuli nni. Nan da fali nan den baa yaa paabu, U Tienu n den teni ke bi pua saawali ki puni a yaabu, Krisiti Nitaanli nikpela n den maani a po bi nii yaa yogunu»

Bu miabu :

Tin jaani mani perinba, frerinba leni serinba yaaba n tie nipanba po, U Tienu n todi ba ban tuo bonɗanla ku Taangu ñoabu

Lundi 21 octobre 2019 : U Tienu tuonsoanba ban wangi yaaba fala bi tuonli po

U Tienu Maama : Matie 5, 11

«Li pamanli ye leni yi, bi niba yaa sugidi yi, ki wangi yi fala, ki maadi yi po mi mabiadima kelima n po.»

Bu miabu :

Tin jaani mani perinba leni frerinba leni serinba yaaba n laadi fala bi tuonli po, Jesu fala n pa ba u paalu

Atalaadi 22 octobre 2019 : Perinba yaaba n laadi fala bi tuonli po

U Tienu Maama: Is 49, 15-16a

«Naani o pua baa sundi wan ŋaandi yaa biga po? Naani waa gba o tugu nni biga po mi ninñima? Ba li yaa tie ke o pua baa sundi o biga po, mini wani, n kan sundi yi po. Diidi, n diani yi yela n nii po, n nua yi bilini u yogunu kuli.»

Bu miabu :

Tin jaani mani ya perinba n laadi fala po, ban ba bi paalu Jesu kani, wani yua n tie bi yudaano.

Laliba 23octobre 2019 : U taayieni perinba siiga leni serinba siiga

U Tienu Maama: Jn 17, 21

«Min mia ŋa bi po yaala tie line: bikuli n yaa tie yendo nani fini Baa n ye n niinni, ke nmoko ye a niinni maama. Bani mo n yaa ye ti niinni, ke ŋanduna yaaba n daani ke fini n soani nni.»

Bu miabu :

Tin mia o koadano wan kuani perinba pala nni u taayienun yankuali, ki pa serinba moko lan yantiali, ban fidi ki soani bi yula ŋanbima po

Alamuda 24 octobre 2019 : U Tienu tuonsoanba yaaba n ye foagima po, ban ba ku candigu

U Tienu Maama : Matie 10, 11

«Yin kua yaa dociamu nni leni yaa dobiga nni kuli, yin buali ki bandi yaa nilo n baa tuo ki gaa yi cangu yaa ye likani. Yin caani o yaa deni nali yin baa n fii yaa yogunu.»

Bu miabu :

Tin jaani mani U Tienu tuonsoanba yaaba n ye foagima po, ban ba ku candigu ban ye naani ki fidi ki soani li tuonli leni bi pala kuli

Alijima 25 octobre 2019: A peri nikpela po

U Tienu Maama : Ps 91, 15-16

«Bi baa yaa maa ba bi podi nni, ki ye leni u fidu ki bundi ki pugidi. Bi baa yaa wangi ke o Diedo tiegi, ki tua: «O tie n taanciangu ke tagiliba mo ki ye o niinni.»

Bu miabu:

Tin jaani mani a peri nikpela po, ban ba u paalu U Tienu kani ki fidi ki ya tuuni, nali bi miana bianu.

Asibidi 26 octobre 2019: o laabaalinamo cagitaankaali po

U Tienu Maama : Matie 20, 4

«O den yedi ba: «Yimo n gedi mani n kuanu po, n baa pa yi lan dagidi.»

Bu miabu :

Tin jaani mani o laabaalinamo cagitaankaali po, ban ya tuuni o laabaalinamo wangikaaba n ba li papaali li tuonli po.

Aɗada 27 octobre 2019 : U Tienu tuonsoanba n ga U Tienu Maama mi yema lebidima po

U Tienu Maama : Jn 15, 5.

«Mini n tie bu duventibu ñiali, yinba mo n tie bu beni. Yua n ye n niinni, ke nmo ye o niinni, o baa luoni li bonluonkaala boncianla. N yaá ye leni yi, yi kan fidi ki tieni puu.»

Bu miabu

Tin jaani mani U Tienu tuonsoanba po, ban ba u paalu o Maama nni leni o Biga gbanandi gaama nni li tuonli po.

Lundi 28 octobre 2019 : Kirisiniba dayela po

U Tienu Maama : Gn 7, 1.5

«O Diedo den yedi Nowe: «Nyan kua ku biagu nni, fini leni a diegu nni yaaba kuli, kelima mi naa nifiima kuli siiga, n laa ke a tiegi mini U Tienu nintuali. Nowe den tieni o Diedo n den puogi o yaala kuli.»

Bu miabu

Tin jaani mani kirisiniba dayela po, ban tua mi buama leni mi yeɗanma kaanu

Atalaadi 29 octobre 2019 : Yaaba n ye a jaancaga nni po

U Tienu Maama : Ac 4, 32.

«Yaaba n den daani kuli den pia yanyenma leni yantiayenli. Oba kuli naa den yedi ke wan pia yaala tie wani bebe n die yaala. Nilo kuli den tuo ke o piama tua o lieba yaama»

Bu miabu

Tin jaani mani yaaba n ye a jaancaga nni po, ban ya ye leni yaba leni mi buama ki tua yeni U Tienu tonda.

Laliba 30 octobre 2019 : Perinba taayema po leni serinba taayema po

U Tienu Maama : Matie 28, 19-20a.

«Lanwani, gedi mani ki tieni i nibuoli kuli nni bi ηoadikaaba, ki wali ba Baa, leni Biga leni mi Fuorjanma yeli po, ki bangi ba ban yaa kubi min den yedi yi yaala kuli. N baa yaa ye leni yi yaa yogunu kuli, ηali ηanduna juodima.»

Bu miabu

Tin jaani mani perinba leni serinba po, ban fidi ki ya tie nani cici-kirisiniba n den tie maama, ki suagi liiga o laabaalinjamo wangima po

Alamuda 31 octobre 2019 : O laabaalinjamo wangima cagitaankaali po

U Tienu Maama : Jn 14, 12-13.

«N yedi yi i moamoani ke yua n daani nni kuli, o moko baa yaa tuuni min tuuni yaa tuona, ki go yaa tuuni ba ya n cie yeni, kelima n caa Baa kani. Yin baa mia yaala kuli n yeli po, n baa tieni la, ke Baa n baa ti kpiagidi kelima Bijua po.»

Bu miabu

Tin jaani ki mia ke o laabaalinjamo wangima cagitaankaali n soani bonjanla ku Taangu n ba o laabaalinjamo wangima yankuali ki pugini, kirisiniba kuli n pa bi yula U Tienu tuonli po.

AÑADA 20 OCTOBRE 2019
O LAABAALIÑAMO WANGIMA JAANMA DAALI
ÑANDUNA KULI NNI

Mi macilikaama

N kpiiba,

Dinla Añada piilie n bonyialo yaaba n ki yegi leni jaantoama, ti tiendi o laabaaliñamo wangima jaanma ñanduna kuli nni. « *...Gedi mani ñanduna kuli nni. Kpaani mani o Laabaaliñamo mi tagima kuli po* » (Mc 16, 15). Krisiti puogi laa tuonli ku Taangu kuli, leni yua n ga mi walima kuli. Lan ya po, ti taani leni kirisiniba kuli, ya ñmaalo n yene tugu nni, nani Pap François n mia maama, tinba Burkina leni Niger yaaba, ki bua ki tieni ti dandanli sieda leni ya mayuli n yene: « *Tinba yaaba n ga mi walima, bi soani ti o Laabaaliñamo wangima po ñanduna nni* »

Moamoani, ki tua kirisinilo, li tie ke ñan tua Krisiti siedo ñan ye naani. Dinla janma po, U Tienu Maama yini ti tin bandi ki pugini ti walima fuuli, ki kuani ti yula ku Taangu tuonli nni.

N kpiiba, « *ku Taangu ye o laabaaliñamo wangima po yo* », ñanduna yaaba mo ye leni mi faabima ñim-ñuulu. Tin mia U Tienu, ya jaanma n yene tugu nni, li dandanli pamanli Krisiti nni, leni li papaali o laabaaliñamo wangima po.

MI JAANCILIKAAMA

U Tienu, a soani mi yenyenmoanma ñanduna nni

leni a Biga cuama, ñan ya puuni bi niba a Fuonjanma,

yaama n tie i moamoani; man pugini ti pala nni

li dandanli tin tua buoyendu niba. Ti miadi a lani...

U cogu kpialu

Leni mi walima Jesu Krisiti nni leni mi Fuonjanma todima, U Tienu njanbi ti ki puni ti ya pali n paani leni yantiapanli. Tin cengi.

Tin cengi mani kawe Ezekiel tili cogu (Ez 36, 23-28)

O Diedo yedi ya maama n tie ne: N baa gagidi ki njanbi n yeli yaali n yabi yeni, i nilanbuoli n den jugi yaali yeni. Yin den jugi bi siiga yaa yeli yeni. Yin baa teni min gagidi ki njanbi yi siiga yaa yogunu, i nilanbuoli yeni baa bandi ke n tie o Diedo. Mini o Diedo U Tienu n yedi yeni.

N baa ñani yi mi dielanma nni, i nilanbuoli siiga, ki taani yi ki guani yi yi diema nni. N baa mii yi po yaa ñima n njanbi cain, ke yin njuudi ki njanbi. N baa njuudi ki njanbi yi leni yi joagindi leni yi buli kuli. N baa pa yi a papaana ki go kuani yi niinni a yantiapaana. N baa ñani yi pala ya n juagi nani a tana yeni, ki lebidi ki pa yi yaa pala n dingi. N baa kuani n Fuoma yi niinni, ki teni yin yaa nua n mabilikaama, ki yaa kubi ki go tiendi n ñoamabona mo. Yi baa yaa ye min den puni yi yaajanba yaa diema nni. Yi baa yaa tie n niba, nmo baa yaa tie yi Tienu. *Lan tie U Tienu Maama*

Pisom 50

**N ba wuli yi po mi ñinjanma
ki ñani yi tuonbiadi kuli cain**

Nain U Tienu, pa nni yaa pali n pieni,
Pandi mi tuoma yantiali n niinni.

Da tuo min foagidi leni a.
Da ñani a fuonjanma n niinni.

Pa nni a faabima pamanli,
Ki teni li yantianjanli n yaa ye leni nni.

N baa bangi yaaba n yie ŋa a sani,
Lani, ti tuonbiadi danba baa lebidi
Ki guani a kani.

Fini n Tienu, n faabima Tienu,
Faabi nni leni min wuli yaa soama,
Lani, n lanbu baa kpaani ki doagidi a teginma.

O Diedo, yaadi n ŋoacuuna,
Lani, n ŋoabu baa kpaani ki doagidi a pagidi.

U cogu lielu

Pierre ŋamo puni ti li dandanli siedi: o yini bi niba kuli ban ŋoadi Jesu. Tin cengi.

Tin cengi Jesu Tondiba Tuona tili cogu (JTT 2, 36-41)

Pantikot daali, Pieri den yedi bi niba: «Lani yaa po, yinba Israyeli yaaba kuli, bandi mani bonŋanla ke U Tienu teni ke Jesu, yin den joani yua li dapoanpoanli po, tie o Diedo leni U Tienu n Gandi Yua.» Ban den gbadi laa maama, mi den cuo bi pala ke bi yedi Pieri leni o tondilieba: «Ti kpiiba, ti baa tieni lede?» Pieri den guani ki yedi ba: «Lebidi mani yi pala, yi siiga yuakuli n gaa mi walima Jesu Krisiti yeli po, ki baa sugili yi tuonbiadi po. Lani, yi baa baa U Tienu paabu yaabu n tie U Tienu Fuonŋanma. U Tienu ŋoanianu yeni tie yinba leni yi bila yaa po, ki go tie yaaba n ye ŋali foagima yaa po, o Diedo ti Tienu n baa yini yaaba kuli.» Pieri den maadi matoama boncianla ki pugini, ki tiendi siedi Jesu po, ki tundi ba ki yedi: «Sani mani ki faabi yi yula leni bi naa nibiadiba.»

Bi den wali yaaba n gaa o maama. Landaali yaaba n den pugini bi ŋoadikaaba po den bua ki pundi niba tudataa (3 000).

Lan tie U Tienu maama

Jesu Krisiti Laabaaliŋamo nani
Mark ŋamo n diani maama (Mc 16, 15-20)

Jesu den yedi o Tondiba: «Gedi mani ŋanduna nni kuli, ki ban yaa wangi bi niba kuli o Laabaaliŋamo. Yua n tuo ki daani ki go gaa mi walima kuli baa faabi. Ama yua n ki daani, bi baa jia o buudi ki cuo o. Diidi yaa bancierma n baa yaa ŋua yaaba n daani: N yeli po, bi baa deli mu cicibiadimu. Bi baa maadi mi malanma. Ba bi yaa cuo wa, bi ki ñuni ñoagubiadu, bonbiadiliba kuli kan tieni ba. Bi baa yaa maandi bi nii a yama po, ke bi paagidi.» *Tin pagi U Tienu maama*

HOMELIE

Tin tiadi ti walima daali ñoaniani

Yua n tiendi mi jaanma ba fidi ki yedi nanda:

Ti walima daali, ti tua yaama leni yenyenma ŋanduna yaaba kuli po; ti tua o Laabaaliŋamo wangikaaba ŋanduna kuli nni. Dinla tin tiadi ke leni ti walima ti tie U Tienu tuonsoanba. Tin yie Sitaani, & kpaani ti dandanli, Ba leni Biga leni mi Fuonjanma yeli po.

Peer: Lan wani, yi bua ki ya ŋoa Jesu Kirisit, yi yie Sitaani ti tuonbiadi daano bi?

R/ N yie

Peer: Yi bua ki ya die yi yula nani U Tienu bila, yi yie ti tuonbiadi bi?

R/ N yie

Peer: Yi bua ki ga yi yula ti tuonbiadi kani, yi yie yaala n ba cuani mi biadim bi?

R/ N yie

Peer : Yi daani U Tienu Ba U paalu kuli daano, tanpoli leni tinga tagido bi?

R/ Ti daani

Peer : Yi daani Jesu Kirisit, U Tienu Biyenga ti Diedo, ke Maliyama mali o, o la fala ki kpe, ke bi piini o, ke o faadi li dantaali daali, ki doni aljana, ki ban kali Ba U Tienu jienu bi?

R/ Ti daani

Peer : Yi daani mi Fuonjanma, ku Taangu Katolik n̄amo, bi ninjanba taama, ti tuonbiadi sugili, ti gbanandi faadima leni ya miali n kan gbeni bi?

R/ Ti daani

Peer ba juodi ki yedi:

U Tienu u paalu kuli daano, Jesu Kirisiti Ba, yua n mali ti mi n̄ima nni leni mi Fuonjanma nni, n guudi ti leni o n̄anma paalu o Diedo Kirisiti nni ya miali n kan gbeni po.

R/ Amina

CREDO

Nanduna yaaba po jaanma

1- Tin jaani mani ku Taangu yankpaaba po, Pap, evekinba, perinba leni diakrinba, leni yaaba kuli n todi ba li tuonli po; ban ba u paalu o laabaalinamo wangima po.

2- Tin jaani mani mi diema liiga yaaba po, mi Fuonjanma n todi ba ban lingi bi niba todima, ti kuli n fidi ki ya ye leni mi yanduanma leni mi teginma

3- Tin jaani mani yaaba n laadi fala po, kirisiniba yaaba n laadi fala U Tienu tuonli nni, ban ba Jesu todima leni u paalu ki ya suagi liiga.

4- Tin jaani mani tinba yaaba n taani mi jaanma po, tin kuani U Tienu tuonli buama ti pala nni, ki soani leni pamanli laa tuonli tin ye naani kuli.

**O Laabaalinamo wangima nmaalo jaanma 2019 binli po
Ti Ba U Tienu,**

a Biga Jesu Krisiti yua n fi bi tinkpiba siiga teni o nloadikaaba li ñoabonli, ban «gedi nanduna kuli nni i nibuoli kuli n tua nloadikaaba». A tiadi ti ke leni ti walima ti ba soani ku Taangu tuonli.

Leni mi Fuonjanma paabu, nan teni tin tua o Laabaalinam siedinba, yaaba n pia li papaali leni u paalu; yeni ku Taangu tuonli n ba mi lebidinjanma ki cuani nanduna kuli po li miali leni mi yenyenma. Todi ti tin fidi ki soani ke bi niba kuli n tuogi leni Jesu Kirisiti buama leni o niñingbadima, wani yua n tie ti Diedo leni ti Tienu, ki kubi li bali leni a leni mi Fuonjanma, moala leni u yogunu kuli. Amina

Bu paabu po jaanma :

A tuo a Biga n la fala ɲanduna faabima po, o Diedon ɲan ga tin
tendi a ya padili. Ti miadi a lani...

Kominion puoli jaanma :

Ya sakrema n ye ne n ɲanbi ti, U Tienu, ki pugini a Taangu ɲamu,
ɲan teni bi niba kuli n ga ku kani mi faabima. Ti miadi lani ...

Tin teni ya todima Pap o Laabaaliqamo tuonli po (2018 binli)

DIOCESES	OPF	OEM	OSPA	TOTAL
BANFORA	1 939 580	198 280	347 880	2 485 740
BOBO-DIOULASSO	11 208 485	1 711 755	1 782 585	14 702 825
DEDOUGOU	4 707 780	1 961 575	1 176 945	7 846 300
DIEBOUGOU	3 029 810	557 095	291 690	3 878 595
DORI	4 152 785	307 175	479 265	4 939 225
FADA N'GOURMA	32 355 425	514 600	511 780	33 381 805
GAOUA	3 251 305	446 175	437 740	4 135 220
KAYA	20 536 385	531 335	850 730	21 918 450
KOUDOUGOU	72 836 110	3 022 320	2 613 995	78 472 425
KOUPELA	39 048 455	2 390 140	2 854 450	44 293 045
MANGA	14 574 545	929 445	1 004 130	16 508 120
MARADI	412 350	918 605	131 350	1 462 305
NIAMEY	2 282 475	4 421 890	1 553 360	8 257 725
NOUNA	3 275 135	486 725	372 580	4 134 440
OUAGADOUGOU	92 825 235	10 408 342	8 482 745	111 716 322
OUAHIGOUYA	14 246 210	843 010	730 910	15 820 130
TENKODOGO	27 436 975	520 000	994 045	28 951 020
TOTAL	348 119 045	30 168 467	24 616 180	402 903 692

**DIOCESINBA LENI NIYENDO KULI TODIMA
BURKINA FASO LENI NIGER
2018 BINLI**

diosesinba	Bi niba coali	Krisiniba coali	Diosesi kuli todima	Krisiniyendo kuli todima
BANFORA	2 500 000	24 500	2 485 740	101
BOBO-DIOULASSO	1 759 670	155 230	14 702 825	95
DEDOUGOU	813 221	131 822	7 846 300	60
DIEBOUGOU	1 212 284	149 215	3 878 595	26
DORI	794 000	13 845	4 939 225	357
FADA N'GOURMA	1 035 000	103 695	33 381 805	322
GAOUA	658 562	20 367	4 135 220	203
KAYA	1 759 292	100 635	21 918 450	218
KOUDOUYOU	1 193 904	318 960	78 472 425	246
KOUPELA	8 000 000	219 401	44 293 045	202
MANGA	967 990	140 325	16 508 120	118
MARADI	1 086 500	1 578	1 462 305	927
NIAMEY	581 280	19 200	8 257 725	430
NOUNA	326 967	63 841	4 134 440	65
OUAGADOUGOU	361 387	888 157	111 716 322	126
OUAHIGOYA	670 300	113 567	15 820 130	139
TENKODOGO	10 099 354	113 891	28 951 020	254
TOTAL	33 819 711	2 578 229	402 903 692	156

I LAABAALI



Pap Francois tuo ki puni Monsiñeeri Thomas mi fuodima, ki teni Père Théophile NARE, Kupiala pero, wan ga o kaanu. Père Théophile bi tie kumi semineer ciamo cogidieli liiga yua. O ga monsiñeeri bali mars 2019 cilima Kaya diosesi nni. U Tienu n kubi o ti gbandi po leni mi yanduanma.



Kardinal Fernando FILONI, puogi Guy Bognon, wan tua Pierre ŋamo cagili tidianlo



Pap François yini Père Alexandre BAZIE wan tua evek ki ya todi Monsiñeer Joachim OUEDRAOGO Koudougou diosesi kubima po.

O Labalihuamu wangima yanbu

**Gaama : Tin waani o Labaaluhamu, Jesu tin waani o Labaaluhamu
Tin waani o Labaaluhamu, ba ga mi walima waani o Labaaluhamu
Fii man we ke waani o Labalihuamu
Geri man we ke waani o Labalihanmu
N kpiiba nin di yie ye e e**

1. Tuondi.....
Ti Tienu tuondi ; fin ya buari anduna po yehanma.
Bi ñan ke caa a a ; kawenba nan ke banga
Ke ban waana Maama anduna kuakua
Isai o ñan ke bangi betieba
Jeremi ñan ki bangi o buolu
Jonaso o ñan ke bangi dociami
Ezekielli nan ke bangi o buolu
Ke ba waana Maama anduna kuakua
Tuondi tuondi.
2. O waana a a a, Jesu bangi ke wanti o Labaluhanmu
O te di sugili leni dandandi
Ke te mi buama leni palebidima
Ke te mi jaanma leni o tanyienu
O pia pamandi ya leni yanduanma
O naanti yonbitu leni jiwaantu
Tuondi- Jesu tuondi fin ya cua ke punti o Labaluhanmu
Tuondi tuondi.
3. Jesu maami ye e : nin geri ke waani o Labaaluhanmu
Pantecoti daali ya o maami o yendi duniya
Pieri len Jean ya cili mi bangima ke waana o Labaluhanmu
Poli o cili mi bangima, ki waan, ke waana o Labaluhanmu
Frasoi hamo, o tien mi bangima, ke waana o Labalihuamu
Dominiki hamo, o tien mi bangima, ke waana o Labaluhanmu
Teresi hamo, o tien mi bangima, ke waana o Labaluhamu
Ba ga mi walimi seri capi capi, ke tien mi bangima, ke geri ke waani
o Labaluhanmu-
Jesu miani dinne nin tien lain, ke geri ke wain.

4. O Labalihanmu, o Labalihanmu
Cua ma da tin waani o Labalihanmu
Gaama : Cua ma da tin waani o Labalihanmu
Jabi leni bi puoba cuoin ke waani o Labalihanmu
Gaama : Cua ma da tin waani o Labalihanmu
Bi nipanba fii ke waani o Labalihanmu
Gaama : Cua ma da tin waani o Labalihanmu
I bila gbia nin waani o Labalihanmu
Gaama : Cua.....
Diosesi yaabi n fi ke waani o labalihanmu
Gaama : Cua.....
Paroisi yaabi n fi ke waani o Labalihanmu
Gaama : Cua
CCB kuli fii ke waani o Labalihanmu
Gaama : Cua
Ba ga mi walimi n fii ke waani o Labalihanmu
Gaama : Cua
Tin geri ki ke wain.....

5. Tuondi, tuondi tuondi, o kuadaano Jesu tuonta
Gaama : tuondi main
Tuondi, tuondi tuondi, o yandaano, Jesu tuonta
Gaama : tuondi main
Bi yankpaaba nin tuondi, tuondi tuondi
Gaama : tuondi main
Bi jajuagiba nin tuondi, tuondi tuondi
Gaama : tuondi main
Bi kpakpaaba nin tuondi, tuondi yuondi
Gaama : tuondi main
Bi dikieriba nin tuondi, tuondi tuondi
Gaama : tuondi main

O nan bu naabu - - Jesu moano nian o tondiba ke yedi ban pia : o biihanmu